

# 新平縣志

王志高

署簽



卷之二

輿地

職官

新平縣志

第四 輿地

溯自黃帝畫井分邑禹王奠山導川後世因之酈道元水經有注范致明風土有記輿地之學由來尚已新邑居省坤隅幅輳遼濶面積二萬四千方里舉凡地質地震山脈水系形勢名勝與夫城池之建築鄉鎮之劃分寺觀坊墓之保存均於地理學上有重大關係非可弁髦視之茲詳載於篇庶生斯長斯者有所稽考不致履地而不知地之廣厚也志輿地疆域

新邑疆域遼濶自民國二十二年奉令將羅呂劃歸龍武設縣已

縮小十分之一

位置 位置在雲南省西南隅以地球之經緯而定居赤北二十四度一十二分北平西一十四度一十七分三秒

境界

疆域縮小境界自變

東至化念鄉七十里戕山

舊名  
署戕

界

舊志東至白得契一百三十里  
石屏河西署戕界

南至他克一百里元江界

西至大水海二百里鎮沅界

北至丁癸鄉五十里戕山界

東南至龜樞河一百二十里石屏界

西南至谷麻三百二十里墨江

舊名  
他即界

西北至界牌三百二十里雙柏

舊名南安

東北至馬鹿塘界石六十里戕山界

舊志東北至鵝脖子一百里皆戕界

幅幘 境界變遷幅幘自異

南北長一百里至一百七十里

東西廣一百三十里至二百三十里

舊志東西廣二百二十里至二百四十里以烏里計

總計面積二萬四千六百方里

舊志面積二萬七千方里以烏里計

地質

附圖

新邑地質首層為壤土二層為膠泥土三層為岩石五區大畧相

同茲分述如左

屬於土壤者

一粘土

俗名膠泥土

質密而性強

縣屬各地皆有中東北三區較多

一壤土係砂土與粘土混合而成質柔而性

和縣屬平原地皆有

一砂土分朱砂粉砂二色質鬆而性

和縣屬深山及江河沿岸皆有

一礫土石多土少質鬆而性燥

縣屬各山巔及山麓皆有

屬於岩石者

一火成岩為塊狀谷麻之滑石太和之雲母石即此類

一水成岩為層狀城區揚武憂洒斗門之石灰岩即此類

一砂石質粗硬無光縣屬五區皆有


以上不過舉其大畧而言若細為分別以俟地學專家

新平縣地質圖

壤土

膠泥土

岩石





地震 附表附各種化石

地震原因有三新邑係斷層地震茲將歷年地震情況列表如左

附歷年地震表

| 年代時 | 日            | 災區 | 災情                   |
|-----|--------------|----|----------------------|
| 清嘉慶 | 四年七月二十六日子時   | 東區 | 方丈窩泥寨李母白法烏等處房屋人事損傷甚多 |
|     | 五年四月二十三日亥時   | 城  |                      |
|     | 八年正月十一日丑時    | 城鄉 |                      |
| 清同治 | 九年六月初七日酉時    | 城  | 損傷房屋甚多               |
| 清光緒 | 三十一年三月二十九日亥時 | 城  |                      |
|     | 二十二年三月初七日戌時  | 城鄉 |                      |

清宣統元年十月二十七日

城

二年八月二十一日亥時

城鄉

民國二年十二月二十三日亥時

城及東區

城中無附近幾山諸村寨房屋倒塌甚多

十二年七月一日巳刻

城

十三年二月二十三日卯時

城

十六年二月十七日

方丈牛尾冲

屋宇倒塌牲畜打死甚多

化石化石有木葉化石

樹根化石

以上二種俱產江

外山一帶

山脉

縣山之脉起於滇西雞足山舊分東中西三支東支由幾山老魯

關及勝郎山南下入境自民國二十二年羅呂全鄉劃歸龍武設縣東支山脉已屬境外茲就中西兩支分述如左

中支自安甯龍洞大幹分支走易門沿綠汁江西南下經怕念

即今化念

河源西行分一支南行入戕山境走怕念河以西亞泥河以東入境為馬鹿塘諸山又南入戕山境為慶遠塘諸山又南入境為亞泥河怕念河兩河間諸山至兩河會處而止中支正支自怕念河源西循丁癸江西南行為白鶴塘諸處山西行為者鮚諸處山西行至七曲河入丁癸江處折南行為迤陌山

迤陌山 在縣北三十里清水河出其東南麓七曲河繞其西麓縣山多由此發脉為中支諸山之鼻祖其分支東南行走亞

泥河東南清水河北為桃孔諸處山又西南至雙龍橋西康者  
康南清水河會亞泥河處而止其正支南行由野鷄哨過峽起  
頂為豆鷄童山

豆鷄童山 在城西十里山脉分支四出多由此其分支東行  
為三台山

三台山 在縣北五里上有三峯故名為走新化大路其中抽  
名飛鳳山又東為五桂山

五桂山 在城北三里上有五峯故名縣城在其下新邑八景  
五桂聯芳其一又東為景象山

俗名地  
蘿蔔山

又東為銀錠山

俗名鏢  
子山

又東

為甸尾山又東為飛鶴山

飛鶴山 在城東五里舊建鎖水閣於下今廢又東為大觀塘

山

大觀塘山 在城東十里平甸河繞其南又東行為雙壁山

雙壁山 在城東二十五里兩峯拱立若壁故名平甸河繞其

西南麓瑞鶯塘在其下又東為雙龍橋諸山又東南走洒樹衣

平甸河會亞泥河處而止

由豆鷄童山分一支西行為童鷄山

童鷄山 在縣西三十五里俗名童鷄壩七曲河出其北麓又

西行為鸚哥山

鸚哥山 在縣西六十里七曲河出其東鵝得河繞其南舊志

謂幽深險峻內有猛獸今則闢為大道往來行人如織矣分支  
西行至黑味為梅峰山

梅峰山 在縣西八十里北行為大尖山又折西行為秀水山  
秀水山 在縣西北百里有銅廠今廢因立河經其下又西南  
行為黃土坡諸山舊有塘卡今裁抵肥味河而止

由梅峰山西行為布者蒿芝地諸山又西行為陡岩

陡岩 在縣西百三十里孤峰突起西臨絕壁高千餘尺由半  
山鑿石通道護以木欄憑欄下瞰岩陡水深行人咸有戒心又  
西行抵憂洒江而止

由鸚哥山折東北行過峽起頂為六祖山

六祖山 在縣西北五十里為新化廢州來龍新邑八景六祖

垂虹其一分一支東行為新化山

新化山 在縣西北四十五里舊新化廢州治城在其山半

由六祖山分一支北行為象山

象山 在縣北五十里當新化北山後面我境小江流其下明

史新化北有徹崇磯閣諸山應圖記館惠存

由鸚哥山北行為迤阻山

迤阻山 在縣西北六十里與迤隔對峙慢干壩在其下

由迤阻山折西北行至丁癸慢干分界之脊為仙鵝山

仙鵝山 在縣西北一百二十里其正支南行為果且母白沙

緬辦事處敬獻  
中華民國三十四年四月一日

灣迭巴都大水井諸處山產金銀雲母石等抵老廠河口而止  
又分支西南行至老廠後為滙寶山

滙寶山 在縣西北百三十里可打河夾其左科苴河夾其右  
老廠街在其下

由仙鵝山西北行至慢太分界之脊為射鵝山

射鵝山 在縣西北百六十里太和諸山發脉多由此其分支  
南下為白達畝山

山形渾圓昔  
產銅今廢

西南行為燒香處山

燒香處山 分二支左一支南行為鹿隴三岩諸山盡東磨而  
止右一支西南行為了黑鵝地左諸山盡百里河而止

由射鵝山分支西行為三尖山至大麥地分二支一支西北行為

魚肚抹諸山盡小江邊而止一支西南行為小黑山柳壩塘太和諸山盡三江口而止

太和山 在縣西北百六十里左繞櫟橘河右繞麻衣河太和街在其上昔出有銀廠今已哀歇

由豆鷄黃山西折南行過峽當過峽處為分水嶺

其龍走元江臨安等處

分水嶺 在縣西二十里度脉南行起頂為青龍山

青龍山

舊志作二龍山案此山與東之照壁山相去甚遠不能合併為一山今改稱青龍山

在縣西南十里山半有

石塔一又南行為敵軍山

敵軍山 在縣南三十里舊為土蠻所據明鄧子龍平定群蠻

破敵軍山即此別名金營山分一支西行鵝得河夾其右楊家

冲水夾其左為西牙甸彌勒諸山至江而止其正支稍東轉為

### 磨盤山

磨盤山 一名鎮元山在縣南五十餘里山北為他拉河山南為老白甸縣南諸山皆從此起祖上列十二峯有泉十一溪山巒疊峭支峙秀奇夏晴有玉帶宿雲冬霽有雪屏掩映彷彿蒼山景象山頂水草豐沃畜牧最宜山半有仙人足跡一由磨盤山分支西行為倚樓山

倚樓山 在縣南七十里楊家冲水夾其右樹布拉河夾其左

峯巒重疊若樓閣憑虛故名脚底母在其下

由磨盤山分支轉而北為丁苴山